

**A** bbui,li dedicu,  
oh genti di Lucca,  
sti quattru paroli,  
ca mi scappanu di 'mmucca,  
ascutati, ascutati  
vi vogliu cuntari na bedda storia.

**P**i quantu 'nni sacciu,m'aiuta la memoria,  
è vecchia di cent'anni,  
e macari di 'cchiù,  
ca li vecchi, mi cuntaru comu fù.

**C**'èra na cuntrata, ccu na muntagna jata,  
firita si chiama, terra viridi e tutta sciuri,  
un jornu, quannu fù, nuddu lu sapi,  
ca na fimmina caminava pi la via,  
e di sutta, sta montagna, parica ci dicia,  
ca so maritu di la guerra nun vinia.


**E**ra bedda di trent'anni,a diri pocu,  
e idda pi campari travagliava lu locu  
d'unuri e di biddizzi nn'avia tanti,  
lu banditu cavalieri, la vulia, p'amanti.

**C**u la forza la vulia,e senza pinsari,  
appressu ci curria pi putilla acchiappari,  
arrivaru a lu pizzu e la via finiu,  
di sutta si ghittau,e idda l'unuri si sarbau.

**C**u na vuci putenti iddu gridannu,  
a lu viddanu ddassutta ca stava cucennu,  
'cala' li cavuli ci dissi, murennu,  
ca la carni di 'cavaddu sta arrivannu,

**E** lu banditu 'nnamuratu,  
orbu d'amuri e senza senza,  
cu curaggiu d'omu,  
si ghittau 'nti lu sbalanzu.

**E**ccu picchi pi tutti st'anni,  
sta montagna veni chiamata,  
di''cavuli e carni''...



*Vito Garratano*